

# 永樂大典

卷一萬四千五十  
三

# 永樂大典卷之一萬四千五十三 四齋

## 祭 祭文十一

姪唐韓昌黎集祭十二郎文。年月日。方無日字。文苑作貞十九年。五月二十六日。季父愈。聞汝喪之七日。乃能銜哀致誠。使建中遠具時羞之奠。告汝十二郎之靈。文苑郎下有子字。今按郎字。是當時語。雖不必存。亦不可不知也。今按補之。嗚呼。吾少孤。及長。不省所怙。惟兄嫂是依。中年兄歿南方。吾與汝俱幼。從嫂歸葬河陽。既又與汝就食江南。零丁孤苦。未嘗一日相離也。吾上有三兄。皆不幸早世。承先人後者。在孫惟汝。在子惟吾。兩世一身。形單影隻。嫂常撫汝。指吾而言曰。韓氏兩世。惟此而已。汝時尤小。當不復記憶。吾時雖能憶記。亦未知其言之悲也。吾年十九。始來京城。其後四年。而歸視汝。又四年。吾往河陽省墳墓。遇汝從嫂喪來葬。性上武無吾字。又二年。吾佐董丞相于汴州。汝來省吾。止一歲。請歸。取其孥。種下或有奉字。明年丞相薨。吾去汴州。汝不果來。是年吾佐戎徐州。使取汝者始行。吾又罷去。汝又不果來。任上或有又字者。上或有使等。吾念汝從

### 永樂大典卷萬四千五十三

于東。東亦客也。不可以久圖。又遠者莫如西歸。將成家而致汝。或有兩圖字。一圖上句。非是。嗚呼。孰謂汝遽去吾而歿乎。或作焉。而下或有先字。吾與汝俱少年。以為雖暫相別。終當久與相處。故捨汝而旅食京師。以求斗斛之祿。誠知其如此。雖萬乘之公相。吾不以一日假汝而就也。去年孟東野往。吾書與汝曰。吾年未四十。而視茫茫。而髮蒼蒼。而齒牙動搖。方云吾人。又序竹云。退之。祭文。視茫茫。今俗本作茫茫。非是。陳后山詩。平陳鄰毛視茫茫。本此也。今按古言。如茫茫。茫茫。皆一字也。意義多相近。當存之。念諸父與諸兄。皆康強而早世。如吾之衰者。其能久存乎。存。方作在。吾不可去。汝不肯來。恐旦暮死。而汝抱無涯之戚也。或作知。孰謂少者歿而長者存。殤者夭而病者全乎。嗚呼。其信然耶。其夢耶。其傳之非其真耶。或無其夢耶。三字。信也。吾兄之盛德。而天其嗣乎。汝之純明。而不克蒙其澤乎。少者殤者。而天殤之。長者衰者。而存全乎。未可以為信也。夢也。傳之非其真也。非上或有者字。東野之言。狀蘭之報。何為而在吾側也。嗚呼。其信然表。吾兄之盛德。而天其嗣矣。汝之純明。宜業其家者。不克蒙其澤矣。或作業。所謂天者。誠難測。而神者。誠難明矣。明方作得。作是。所謂理者。不可推。而壽者。不可知矣。壽方作年。雖然。吾自今年來。蒼蒼者或化而

為白矣。動搖者或脫而落。蒼蒼下或無者字。毛血日益衰。志氣日益微。幾何不從汝而死也。志氣方作氣志。死而有知其幾何難。其無知悲不樂時而不悲者。無窮期矣。汝之子始十歲。吾之子始五歲。少而強者不可保。如此孩提者。莫曰汝之子始十歲。謂相也。吾之子始五歲。謂相也。其後湘登長庚三年第。祖登四年第。祖生始。家始。咸通四年。家七年進士。天之所以昌韓之俊如此。孰謂不可冀其成立耶。又可冀其成立耶。十。或作一。方云。老成二子。曰相。曰澄。以李子出繼。則湘固其十歲也。嗚呼哀哉。嗚呼哀哉。汝去年書云。此得軟脚病。往往而劇。此。或作此。非是。吾曰。是疾也。江南之人。常常有之。未始以為憂也。而下或無之字。憂下或無也字。嗚呼。其竟以此而殞其主乎。抑別有其疾而至斯乎。斯下或有極字。汝之書。六月十七日也。東野云。汝歿以六月二日。秋蘭之報。無月日。或作日月。蓋東野之使者。不知問家人以月日。如秋蘭之報。不知當言月日。或無如字。言或作時。今按陸德明經典釋文序。論當時語音之記。有曰。而如摩異。則此如字。即而字之轉耳。不知當言月日者。蓋言秋蘭之報。所以無月日者。由其不知起吉之體。當具月日以報也。東野與吾書。乃問使者。妄稱以應之。可其然乎。其不然乎。東上或有蓋字。方無其不然乎一語。今吾使建中祭汝。弔汝之孫。與汝之乳母。彼有食可守。以待終喪。而取以來。如不能守。以終喪。則遂取以來。其餘奴婢。並令守汝喪。或作葬。吾力能改葬。終葬汝於先人之兆。然後惟其所願。方無終葬二字。願下或有馬字。嗚呼。汝病吾不知時。汝歿吾不知日。主不能相養。以共居。沒不得撫汝以盡哀。歛不憑其棺。窆不孝不慈。而不得與相養以生。相守以死。行。或作何。一在天之涯。一在地之角。生而影不與吾形相依。死而魂不與吾夢相接。吾嘗為之。其又何尤。彼蒼者天。曷其有極。自今已往。吾其無意於人世矣。當求數頃之田。於伊潁之上。以待餘年。方作書。今按或當作待盡餘年。教吾子與汝子。幸其成。長吾女。與汝女。待其嫁。如此而已。嗚呼。言有窮而情不可終。汝其知也。却其不知也。耶。嗚呼哀哉。或無此句。尚饗。胡文簡公集祭姪文。維紹興十一年歲次辛酉。四月己巳朔。二十三日辛卯。叔積中。兄宗古。其時羞清酌之奠。祭于念六郎首士之靈曰。吾於汝年則長矣。體力衰矣。汝年未十五。則少於我也。體力方強。則不如我之疲也。吾方賴汝持門戶。張大宗族。庶幾遠我以老。且百年託汝以子孫。吾雖瞎。無遺恨焉。嗚呼。孰謂汝遽舍吾而沒乎。孰謂少者沒而長者存。強者夭而衰者全乎。汝之孤弱不克養。

永樂大典卷萬四千五百

汝之母則垂年矣。皆吾之所深憂。吾既失所託。而汝反以是累我耶。汝則  
瞑矣。吾百年何能瞑乎。嗚呼。悲夫。尚享。宋林父軒墓祭王郎文。二月既  
望。越決日庚辰。叔具位林某。以觴酒肴。致善汝秘校王郎。孺人五十六。姐  
之靈。嗚呼。吾在嶺海。聞汝夫婦。相將來歸。一夕逢迎。春風滿屋。我涉里門。  
中表畢來。獨汝夫婦。載寄荒村。我懷仲氏。涕淚如注。更須一往。撫汝之孤。  
尊酒告汝。悲恨何窮。尚享。元方德麟墓祭姪銜祖文。嗚呼。七襄之平。可  
謂壽矣。華歆自陳。曾何歎乎。此榮啓期所以樂。而熙妻所以為康也。存順  
沒寧。吾知子無待於外矣。嗚呼。百世衣冠之緒。一門骨肉之情。又忍見夫  
輻輳將駕。而千古之永訣耶。祖奠一觴。子其知也耶。代祭姪汪道夫直  
夫文。維年月日。故道夫直夫將歸。定于黃山之原。霜風凄其。丹旆翩然。  
斷雲殘照。翳翳其將下。素車白馬。踟躕而不前。於是季父某。駐其柩於道  
周。酌而哭之曰。嗚呼。孟也。幹父用譽。庶乎家之積也。嗚呼。仲也。惟學進志  
庶乎業之榮也。嗚呼。天地。數殫璞碎。而不使之成也。霜風丹旆。可盈盈也。  
寡妻弱子。何號號也。竹林棋墅。悅宿昔之隔生也。埋壘黃壤。子何以為情  
也。嗚呼。子也。尚於此乎歎。  
表姪宋孫燭湖先生墓祭表姪莫幼明秀才文。嗚呼。事有不存於前。知

數有不可以預期。德或矣而為憾。善或終之以悲。人生孰無一死。若汝之  
死。則吾實莫知其所為。吾之族親。固少。其業儒者尤少。業儒而可共學者  
又加少。自我先君。益嘗歎息於斯。而惟乃父。我之自出。視我先君。亦步亦  
馳。暨汝伯氏。亦克自立。惟吾兄弟。是依。汝昔稚齒。而我宦游。及歸自蜀。見  
汝始冠。而甚愛其天資。我之在鄉。汝不我離。我宰琴川。復以汝隨。汝疾而  
歸。我遂以詩。我已來之滿成。忽官謫之百罹。繫窮途而相望。汝隱憂而涕  
洟。幸再歲之來還。汝疾平而尚羸。吾嘗疑汝骨清寒而難壽。猶庶謂汝眼  
端秀而一奇。歎我書而皓首。聽我言而善思。滯外物以無好。儼暗室而不  
欺。蓋其生也。二十八年。未嘗有子第之過。若金玉之無疵。嗚呼。吾是以嘗  
欲扶持以成就。汝何忍捨我而遽死也。捨我猶可。何忍捨而母而見而  
遽死也。吾邑前大夫常侯。世為名家。身為名人。汝惟幼賤。寒族異鄉。欲交  
何由。去年之春。侯初訪我。為子求師。吾未有以對也。而汝來自外。適在吾  
傍。吾愕且喜。即以汝授侯。自是每得侯書。未嘗不稱賞汝。傳聞一邑。遂皆  
知汝之為善士。當是時。而母而兄。以德以善。蓋可知矣。然汝仲氏。代汝舊  
館。曾不兩月。忽天非命。是則因我舉汝。而使汝家不見汝。仲氏之死也。抑  
猶未以為深悲。而甚憾也。而汝於侯。膠漆目擊。侯解而西。苦欲汝。而母

永樂大典

卷一四〇五三

而兄皆聽汝行。汝之別予。意雖踟躕。然豈謂其終天之訣乎。汝容帶里。來傳我死。想汝心驚。宿病復萌。幸既相聞。書來勤勸。買藥求方。勸我自防。壽報汝疾。亦已就康。胡云又病。遂止於此。嗚呼。是又因我而使汝家不得見汝之死也。其能不悲之深。而憾之甚乎哉。雖然。汝為何人。生長何方。而常侯一門。內外百口。附汝如子弟。哀汝如其骨肉。醫藥棺斂。毫髮無悔。而吾常侯。親為奔走。浙江之上。具舟徒以濟汝。使汝伯氏。迎汝之柩。不勞寸力。輕行善達。以送而家。是孰使之然歟。莫之為而為者。非天歟。莫之致而致者。非命歟。然則汝雖欲勿死於異鄉。其可得耶。雖然。汝母老矣。去年哭一子。今年又哭一子。雖曰非我累之。實亦由我致之。吾猶自悲且自憾。而况於汝家也。汝喪及門。吾既哭汝。吾暫適鄞。汝葬未決。脫或後期。不克臨穴。用先一奠。極寫予衷。嗟汝已矣。無復望矣。然予之文。固不足傳於世。其萬而有一傳。則汝之名。猶可托予以不腐。於汝足矣。嗚呼。汝靈其克知之。哀哉痛哉。

妻父宋李壁。屬湖。葬祭丈人張大卿文。嘉定四年。大歲辛未。二月甲寅朔二十一日甲戌。子婿降授朝議大夫丹稜縣開國子。食邑九百戶。食實封三百戶。賜紫金魚袋。李某謹以清酌庶羞之奠。致祭于觀使都運寶。

永樂大典卷一四〇五三

四

謨大卿丈人之墓。嗚呼。盛德故家。龜紫蟬聯。奕奕文獻。世遠益綿。維公鍾美。穎脫妙年。有萬載藉。馳騁貫穿。發為詞章。其筆如椽。雅興郁穆。鍾磬在編。書無八法。鳳舉鴻仙。錯落爾素。秀勁清妍。維公之才。自視無前。藝業之富。蔚如山淵。充其素意。圖像凌烟。早僅詞館。晚載月班。有欲援之。持索英躔。彼伏側目。遽起而從。藩條使旨。妻謹布宣。轍迹所至。軒懸痼疴。罔繫此全能。世孰與肩。晚探至道。妙極幽玄。雅落萬累。咫尺三山。要其指歸。洙泗之傳。蟬順之江。鏡瀉明鑄。鬼舄侍側。養伴參寥。紳屨景從。文義磨研。何意一疾。亟棄而倦。嗣彼膚回。波漫株連。所竊山嶽。所挾毫消。嗟嗟先生。乃用奇偏。晚遂投綬。高節獨全。維其言立。並美儒先。褒紳游下。光照埃壘。繫公之女。相我豆蓬。教飭有素。甚淑而賢。實緣登門。十閨周旋。慈不自計。出嬰世患。乙丑之秋。遠使幽燕。兵禍已作。公憂見顏。遽聞其歸。喜形詩篇。旋以亡狀。任參扶顛。不敢愛死。懼辱知憐。一聆公喪。焦心斫肝。婦病在牀。隨翁入泉。禍屢併集。我亦南遷。汝水我奉。蓋將終焉。皇覽下燭。萬里西還。室空無人。誰不煩稠。淚盡遺掛。餘悲莫泐。竭來拜公。墓草芊芊。圖書故在。堂奧依然。而我已衰。脫慮童顛。緬懷疇昔。斷斤絕絃。賴有令子。顧我拳拳。宛如公存。栢茂石堅。爰天忱詞。釀酒盈船。英靈未泯。其鑒精虔。又 祭外舅張

大卿文 猗歟公先 奕葉簪纓 時美岳裕 寔鍾名卿 才郎峻明 蚤有顯聞 鵬鷲汗血 高厲遠矚 一登蓬丘 游最外庸 履傳所臨 穆如清風 仁深拯饑 全活萬計 文案必親 固有寬滯 肅儀南宮 廷尉是司 議法不阿 護口乘之 休于中園 妻起旋仆 惟其蹇仇 卒與時作 挂冠不愈 維天子恩 尚以書詩 誨其里人 從養于眉 時過我廬 室適人遠 公懷弗終 謂予遠歸 老同歎歌 違棄而先 嗟哉奈何 公之吐辭 玉質天葩 豐約中度 自是名家 晚探道真 益自骨髓 浮夸剝落 妙契一唯 春秋魯論 亦既成書 心所獨詣 前無諸儒 于雲不興 此理誰晰 歲諸名山 姑待後世 如某愚陋 獲登公門 公雖錫勇 情實弟昆 少狂高論 弗能下氣 公愛其才 弗我孔異 別公而東 成行五春 承乏禁林 恩大無裨 方丁危疑 深入苞錐 義不敢辭 願貽公憂 則關生還 蹇疏便坐 出非無名 時則未可 公許我忠 以詩數舉 修攘有序 于孟良圖 屬兵既交 軍債將夫 上思曩言 俾貳軍席 牢辭弗獲 棟桡是虞 方佇砥石 書未訖 俱吁嗟乎 公而止 斯耶 升直尚 謨綸言甚 華縵弗大 施是則有命 所衷若人 風流頓盡 公女為孝 哭不可聞 語我銘公 公愛予文 歸當如言 今繁萬里 將誠菲奠 淚血盈管 周益公大全 集祭外舅王察院文 維乾道六年歲次庚寅閏五月庚辰朔二十六日乙巳 婿其位周某某謹以清

永樂大典卷萬四千五百三

酌庶羞之奠 敢昭告于外舅提刑察院王公之靈 嗚呼 公有通經博古之學 而不盡施於事業 有撥繁濟劇之才 而不盡見於施為 官雖遷而人猶悼其屈 年雖高而志未向手 衰此中外所共悲 非親黨得而私也 惟鄙不肖 為公所知 二十年前 有合有離 住聞公抱病於高溪之上 蓋崇昌彭義之險 涉長江之危 曾是四旬之緩 悽然隔世之悲 雖徘徊之崇月 迄差池於葬期 念佳城之一閭 候芳歲之三馳 粵自江而祖浙 忘雨沐以風吹 逮弭權於故居 懷握手於平時 何英姿之凜凜 乃封土之崇崇 踈陳辭而薦酒 莽無言而寄思 嗚呼哀哉 尚饗 某年某月某日 祭文 人文 年月日 文人 提刑林公之柩 出將葬于藍前山 甥丘耕方 采以觴酒 豆肉哭酌于道 周從甥趙淳 以齒先執 初獻 嗚呼我三人者 均受麻恩 昨者送公 願顯歸軒 今者送公 奮各歸魂 有限緣法 無窮乾坤 耕也自少 忝遊公門 我絃雖斷 公如女存 我男已長 則公外孫 公培其枝 實痛在根 在葉之姪 有二女 昆皆嫁而 昆情鍾 莫公挈以婿 俱隨公 守著 飲食教 載欲報 難論 厚觀 猶子先儒 格言誰能踐 復從公 請婚 乃如孫姪 分餽 公溫 况上一層 施寧 憚煩 治家 理即 同是一源 嘉謀 薦剴 因徹 天闈 惜哉 繡斧 未究 平反 用雖不盡 留付 蘭孫 朔風 鈴鼓 寒日 旗幡 云 但何 往歸 掩高 原何以 告忱 勿勿 酌

梅何以告哀。汪汪淚痕。代祭婦翁文。吁嗟大人。吾母氏之從弟。吾為  
大人婿。不五載而賦斷絃之悲。今二十年而蒼顏白髮。來哭大人之喪。嗚  
呼。五婦未嫁而嫂氏已寡。婦翁身靈。茲焉並出。表麻嗷嗷。襄時之人。惟游  
氏姨也。嗚呼。骨肉凋落。頭顱幸存。願今妻子。疑是前身。淒涼生理。禮亦夙  
懷。何以為酬。惟多出涕而已矣。又。於乎已夫。平頭六十。固非長久。甲  
子一周。亦非不壽。血氣方剛。已能學佛。善溢願聞。與人無佛。我為子婿。敬  
公長者。公亦愛我。如其息也。我有男女。初主舅家。公撫二孫。愛恰並涯。暨  
舟夜移。起尋無所。公德滿懷。溼為危醜。突突夏日。慘戚如秋。行行柩車。聞  
哭少留。於乎已夫。代祭婦翁文。於乎。誰無父子。父子摩空。十載聲名。  
繼使南宮。一第誰無。罕能延世。父子自郎。門戶不替。孰哭難兄。邑管題輿。  
孰哭大人。河源大夫。我來請昏。亦慕君屋。豈謂登堂。再拜而哭。寒日朝光。  
萋鐸前將。攔路一腸。語人不能長。又。嗚呼。昨者所媒。來則相許。謂誠  
吾翁。真得我語。我亦何人。感君特達。異哉未見。死生契闊。三酌道周。曰公  
女婿。何待被雲。自多墮涕。又。嗚呼。進士甲科。邦人喜悅。待官七載。赴  
官幾月。有人於此。為禍非常。幸公之家。薄田有糧。造物戲場。翻覆變化。適  
者為常。人以為訝。伊誰之柅。坎此山阿。官職雖卑。姓字巍峨。念昔先人。與  
公交處。顧我小子。誤蒙推許。我雖託昏。在公身後。想公有靈。享我斯酒。末  
為勝仲丹。勝集祭外舅張朝散文。嗚呼。元豐季年。公墨諫紙。據忠論事。  
慷慨奇偉。可羅可行。曰此曰彼。逆鱗敢嬰。懦者興起。流離十霜。以因自毒。  
紹聖簡求。擢官大理。適臣題言。文中御史。帝曰汝愈。召并軒陛。開陳縲纆。  
朝綱國是。帝用嘉之。言傾其耳。謂當施行。徑躋華仕。如何南箕。帝成多侈。位  
郡鏡陽。進尺退咫。天不慈遺。乃終于此。惟公少時。趣尚洵美。浮念雜好。如  
棄塵滓。沉涵羣經。該總百氏。陰陽星歷。醫卜方伎。一物不知。為身之耻。蓄  
藏既多。奮無幾間。闕沒身命也。天只。昔我弱齡。從親連水。公竇奇之。有舉  
無訛。謂器萬乘。謂駒千里。恩勤綢繆。乃妻以子。出入門牆。且踰一紀。不我  
鄙。愚教載撫。視孰謂半塗。適夫恩恃。公介之婦。又實女弟。贅幣未行。已隔  
生死。丹旌有翻。言旋歸止。遺辭寄哀。泣濡輔几。尚想平生。欽此嘉旨。尚饗。  
某方多。通精文。臺集祭舅朝奉文。某罪逆不孝。故春三月扶護東下。秋  
七月與大人相遇于維揚。時大人氣貌悅懌。步趨輕捷。瞻視有力。飲啖陪  
常。咸謂壽祉。方未艾也。拜別不半。平。凶問奄至。嗚呼。哀哉。尚忍言之。犯承  
靈柩。毗陵。某方泣血待盡。不敢違几。延前詣喪次。謹遣弟某。往致薄奠。伏  
惟尊魂。持垂鑒察。對給事集祭張宗博文。惟公沉識偉器。見于夙成。蚤

擅辭場領袖後主。旋宰劇邑。治煩有聲。受任大府。竭來帝京。親賢宗藩。公  
族是程。優游靜退。利徑靡事。有識咨嗟。踈進革情。謂公見知。臺省飛纒。云  
胡不淑。禍患相仍。綿延累載。竟殞厥靈。嗚呼哀哉。如何不肖。冀辱公知。館  
我甥室。時布衣提携。剪拂。終到金闕。非公之賜。何以至斯。昔公罹難。遠歸  
海涯。我亦去國。假守淮西。相望天末。江湖渺瀰。孰謂數月。公計遽來。聞問  
必達。公乃困厄。謂仁者壽。公壽不多。悠悠蒼天。曰如之何。公有令子。克紹  
厥緒。公今云亡。豈復茲慮。惟我鈍頑。凍凍危懼。厚德不報。尚期末路。敢以  
菲薄。恭薦情素。冀公不昧。欽此。真粗彭汝。鄭陽集。祭壽子發文。元豐  
六年。寡妻德化君卒。後二年。夫所恃。後三月。外姑卒。又二年。吾舅卒。欲寫  
吾哀未之能。今年正月朔。伺卒嗚呼。吾舅氣蜺虹。而操冰雪。才足以大其  
家。而有餘。志足以紹其先。而不吞。一病輒不抹。嗚呼其奈何。夫物少必壯。  
壯必老。老必衰。衰必死。雖有智力不能為計。然吾舅壯侗少。乃相繼踵死。  
則老而衰且病者。其何逃。又祭外舅壽公文。我昔未至。公問我以書。  
我之欲至。公逆我于途。既拜于堂。愛誨勤勤。今我來斯。不復見聞。乃徒見  
山間蒼篔之竹。家上蒼蔚之松。摩青雲而蔽日。泣夜雨而號風。朝夕予

水樂齋卷一萬四千五百

淚。無盡。予愁。徒陳詞以薦酒。幸靈馭之來游。猗與舅。終剛毅靜嘉。克  
成其身。以有厥家。不艾不耆。善孰尸祀。彼月斯征。表經者除。有醴有牲。孔  
碩孔時。孰發我思。文以昭之。鈞岳祥開。風集祭妻父王公文。嗚呼。晴月  
暖風。寫公德容。匯澤春浸。狀公心骨。不身其施。而善厥躬。亦既身止。今聞  
孰蒙。雖時不獲。有喬其達。早纏末疾。凡杖一室。備然瘦鶴。風骨率律。我來  
拜公。載色載笑。酌以王彝。祝我速到。我請公飲。祝以難老。歲時候問。謂復  
見之。十年不見。往矣其追。嗚呼。我年十七。為公之婿。年三十二。哭公之逝。  
今既六十。公始即窆。身居子列。義當分過。白頭幸存。滴淚寫紫。  
妻兄家胡寅斐然集。祭妻兄張撫幹良臣文。昔我冠年。群試南宮。即以  
藝文。受知而翁。收置門闈。妻以愛女。獲交昆仲。竟歲遊處。幼官洛社。君在  
定陶。匹馬見過。意方逸豪。遺俗故家。尚有存者。弔古搜奇。歡不忍舍。我塵  
全來。相與契闊。乙卯會語。丈人已沒。曾未三年。予復悼亡。君之仲氏。丘木  
既長。庚申訪君。家山蕭寺。悲笑雜集。如夢中事。丙寅之秋。予還武夷。未及  
尋君。君喜而來。留止彌旬。情好逾厚。觀君氣骨。堅耐如舊。豈謂此別。遽隔  
死生。一朝訃至。驚呼失聲。萬寶之資。梓茂之行。謹幹之才。樂易之性。青衫  
下僚。迄不一施。僕克厥家。而止於斯。君幸有子。仍有季弟。武部之澤。庶其



永樂大典

卷一四〇五三

在是望君十里。遙達此觴。嗚呼。昔之思。曷日而忘。

外祖周益公大全集祭外祖王給事家譜文 維淳熙十年歲次癸卯十月壬辰朔外孫具位周某謹遣使李椿以清酌庶羞之奠致祭于外祖給事待制贈少保王公外祖母衛國夫人宋氏亡舅通判二十八大夫亡姪宜人韓氏之塋共惟外氏昔為大家今茲丘壠近在陽羨而祥嗣湮替宿草弗除某繫官于朝未由拜掃蓋冬之朔俗重祭墓道遙伸奠醑不勝凱風寒泉之恩伏惟尚享元王憚秋澗集遷奉安縣丞外祖并外姑王氏祭文 憚以前歲後十一月二十三日為遷奉之事已告尊靈今者應期舉厝永慰幽魄以順從祖以安則鄉樹我外姑闕此玄堂新雖衰宗在公木傷有甥姪以主祀重時思而不忘是則不必其子而光揚也有牲斯貯有酒斯香惟神昭鑒歆此一觴尚饗

親家清江三孔集孔平仲祭親家應朝敬文 維紹聖二年歲次己亥正月戊寅朔日具位謹以庶羞清酌之奠致祭于故親家朝敬應君之靈嗚呼我之女弟君之弟婦歲年不章人情宜踈惟君健饒愈久彌篤德義可託復聯昏姻乃以息女歸君之子鄉土棲連世契稠疊惟君中粹外溫又廉且直謂當選用為儀天朝夫何奄忽以至大故聞訃夫聲哭不待次山

永樂大典卷一四〇五三

川阻脩職事省守寓誠一奠悲來無窮播芳大全集陳了翁祭未時發親家文 嗚呼昔會靜海于今六年君護喪歸我以窆遷迨隔三江懼無還期天子仁聖復令我歸離台之時未得君計單柯北來猶冀復晤白沙之傳初信且疑今知果矣孰如我悲君老苦學趨一而專富而能貧內無間言寂默能仁為方外師志者於仁孰得而疵仁則於壽胡不期頤天所促延人美可知君於世味澹乎其歸苦樂壽夭存歿豈移淮江阻脩真不以時情發於辭君其鑒之嗚呼尚饗 又 惟靈之生婦德著芳柔淑且慧忘怨惡芳賢哉主饋克助芳敬長恤孤宗姻譽芳既肥其家儉而治芳振振繩繩繁而庶芳宜耆而艾何朝露芳彼蒼者天明而鑿芳胡其不仁奪之遽芳如畫而夜抑定數芳伊令仲子于女女芳專于外孫而許娶芳再世婚姻嗟莫顧芳追懷感傷易云喻芳載以清醑殺饌具芳伊禮之薦盡其悽芳嗚呼靈芳莫予吐芳

姑夫播芳大全集祭姑夫李提舉文 嗚呼昔我先君愛鍾今女擇所宜從以歸于子子昔悼亡我方居憂痛在手足涕不可收李妹繼適今能幾時子既殞矣孰知我悲我非明哲觸禍固宜子亦放廢一斥不歸窮達死生所遭各異海波桑田變遷不已數極而化亦又莫傷君子之道死也不

志尚饗李太隱先生集祭石長孺文 昔我先公宦遊東越論交最俊接武者哲君於是時妙齡秀發瑤林琪樹輝映闕閭吐辭為論下筆成章才無終賈氣壓王揚時我季姑年及結褵謂君英特望族是歸材與命并場屋差池屢試蘭省弗克雄飛安貧樂道澗飲高樓專思麟經訂正是非使者論薦促對天堦謂宜得志有所設施老於一命康食叢祠云乎不淑與世長辭顧予晚進念昔追隨升髦之歲以君為師迄于今日能誦君詩我亦老矣霜鬢滿頭聞君之喪曷勝其悲絮酒千里詞以侑之

姊妹夫文苑英華符載為崔氏妹祭丈夫何郎文 嗚呼其英女羅榮紆葛纒我有弱妹克配君子關雎之化夫婦之始禮奉豆蓬義齊生死常恐寡訓昧章情禮夙夜箴規庶無愧耻結褵成音垂三十春樂踰鼓琴敬越如賓才盛遺賁為唐碩臣權旄樹羽夏水之濱鼎食錦衣長戟朱輪宗族百口庇公清塵浩浩破池常為無津防崩水涸表此窮鱗嗚呼序當仲姊自慙疎昧用禮過恭豐家甚恭良辰美景長幼高會錯落園方抑揚眇昧神理如何杳杳茫茫朝榮夕落使人摧傷言自漢江將歸洛陽喪旗旅櫬親墳舊鄉苟可薦誠蘋藻馨香感深恩而何報寄沉痛於孤孀來張噪茶糜文集祭姊夫王性之 嗚呼性之一至此耶室廬廢為丘墟金盡於賦

永樂真卷四十五

手石未列於王官年不登於中壽深轉困窮客死異縣母妻兒女尾解冰散校性之平日之所行與沒世之所遭何其外戾乖刺耶夫矣崑崗王石共盡無復善惡之責耶不然誰使性之至於此極也彼為性之親戚朋友者豈無餘力而不挽之共處豈無餘資而不調其窮苦而使性之卒至此者非天也其親戚朋友之罪歟然而當性之既窮之日正盜賊塞路之秋夷夏隔絕咫尺萬里彼雖有餘粟安能裹飯於豺狼之前雖有餘力安能營救於鋒刃之下雖有餘資安能相調於倉猝之際然則使性之至如此極者其天也非親戚朋友之罪歟某嘗歷觀亂離以來士卒黎庶不隕身於溝壑則必潰體於戈矛而性之於擾攘紛亂之中猶僅沒於膾下顧雖夫所而末為不得其死也然則何必深痛乎然世固有奢貪冒沒飽食於衆人菜色之時狡猾險狠全膚於衆人肝腦塗地之際揚揚愉愉保其醜類者多矣而性之主平吉德甚孝而仁讓夷惠病患及路人是宜保其家室裕及後昆允彼宗族高天閭門者也而卒至於此安得不深痛乎嗚呼悠悠人世數十年客其間禍福亦何推擇方其處世固有悲憫及其長遊一無得失彼西方之聖人每以是而大觀性之素留心於此道宜隨所會而超然不必遺恨於曩過將其遠離於羗縷彼一漚之起滅曾何利害之

足言使夫死而可善。吾願以是而獻焉。

女婿張舜民集祭郭婿朝散文。嗚呼。昔子之去我也。亦何遠也。如有追而弗及。今去遠也。亦可憊也。如有呼而弗應。其去也在日之陽。其遠也在歲之首。無百日之永。有死生之別。青楊化為異物。與馬轉為歸樞。仰天不聞叩地微咎。嗚呼。哀哉。請言其初。子之世父。我之畏友。四十年間。出處先後。教養于姓。兩人成就。兄弟同榜。獨子未偶。時我見子。念可以取。願以息女入奉。其第。鄉俗家風。不待咨克。戎旅艱危。州縣奔走。通籍朝闕。易如反手。心類康莊。莫涯量實。四海兄弟。百年舊友。志欲共覓。耻於獨有。愚智共期。必得倪壽。駢駢駢。一夕而踏玄酒。大羹一毀而覆。父老子悼。吾亦頽朽。生理茫茫。孰測孰定。暮途草草。孰倚孰守。客轡西還。路人悲疾。寡婦在傍。孺孤泣右。鬼兮。忽驚來燕。茲酒。宋張方平集。祭女夫故河北路轉運判官殿中丞蔡天申文。維熙寧七年歲次甲寅。日月外舅某官。遣息某。具清酌庶羞之奠。致祭于女夫故河北路轉運判官殿中丞蔡郎之靈。嗚呼。我在滑臺。聞子彥秀。卿黨世交。遂成姻媾。往牧蜀都。士子校書。一上中策。聲光焯如。學問滋洽。辭章爾雅。敏於從政。有過人者。朝廷爾才。擢之不次。京西河北。俾專使指。此時專府。密勿近輔。等聯華刺。車接部。

永樂大典卷之萬四千五百

十

驥髦未聘。驚翻方整。悵望前途。空嗟倒景。藉始過朝。年未強仕。實勤其官。以遠彤彞。初歸庭闈。寵光善渥。今出都門。素旌綽綽。吉凶糾纏。勢靡有定。將如之何。不推之命。慨余老夫。繫爾之託。而反厲哭。事矣可度。四子余出。總角相扶。遺息往。將且撫其孤。尚饗陳蕃。卿賢。意集代叔。祭蔡基仲夫婦文。哀哉。基仲。竟止此耶。人孰不死。子何酷耶。子以子然。遺孤尸一門。嗣續之寄。家之興亡。惟子是視。而幼克自立。以至于成人。既勞厥生。且勉於業。可以為子矣。吾女歸子。樂其臭味之相茹也。蓋與子攻苦食淡者。七年而不敢怨。可以為婦矣。是豈獨汝家之幸。亦我家之幸也。吾女歸。告我曰。我不能終事厥母。願有以事父。自是而後。凡吾家尾末之事。惟吾女之問。子亦朝暮往來。一盃相屬。好洽如家人也。嗚呼。吾今六十。有四矣。齒髮搖白。來日幾何。兒女之託。亦惟子夫婦之望。何事于天。乃使其相繼以沒地也。同時屬疾。吾亦以為常事耳。越數日而弗瘳。又數日而沒。劇子卒。以是死。而吾女則生。吾意其猶足以附子之嬰孩。而俟其長也。不十日。又以計聞人邪。天邪。嗟于夫婦。受難受之艱辛。而得所不當得之凶禍。游魂悽悽。今也何在。其升騰飄忽。而歸于天乎。其沉寥漸盡。而流為泉乎。其與化俱往。而入於無有乎。其悲憤凝結。而猶在世乎。吾不可得而知也。所最痛者。莫

哉稚子。娟娟弱女。主事滿前。誰為之主。在生無伸眉之日。死未有歸骨之所。此雖行道之人。猶為齋咨。而况於內外姻黨之間哉。吾自哭汝以來。生意幾落。兀兀飲食。常如醉夢。既為汝悲。亦以自傷。其不幸。而壯者其難保。若此。衰墮者可望其長久耶。一慟之餘。雲悽月惻。言不能文。姑叙以臆。嗚呼哀哉。元陸子方集代人祭黃郎文。嗚呼。才子王勃。丹次南昌。誅落霞與秋水。弔陳述於滕王。知關公之得賢。珠不讓於子章。奈陰幣之難焚。嗟宿債之未償。豈行儉之先見。偶墜舟於海洋。嗚呼。人事悠悠。天理茫茫。彼愚而壽。此哲而亡。予曠下之季女。萱草凋於北堂。求君子以偕老。嘉坦腹於東床。差穀旦於鴻鴈。期天施於春陽。忽東野之馬佚。欲濟川而無梁。痛道者之如斯。慨予懷之永傷。嗚呼。白日真真。碧水泱泱。結桂為旗。芙蓉為裳。乘雲上下。與波翱翔。儼雀屏其改素。昏玉鏡而無光。予女身未得以奉箕箒之儀。義不得以薦蘋藻之芳。主翁一束。余于是將敬酌馮夷。共此一觴。元程禮部集祭外甥文。嗚呼。為人父母。孰不願男女之有家室。昌熾盛大。為百世之傳哉。子之賢良。弱女是托。謂宜偕老。以成厥家。何期蚤年相繼夭折。前乖父母之望。後缺子嗣之承。豈子夫婦壽命之不長。實我骨肉分薄之所致。生不得以遂其愛。死不得以視其終。顧予何人。尚在斯世。嗚呼。

永樂大典卷萬四千五百三

十一

呼。宗器河陽之役。間關萬里。此情何時而忘。耶嗚呼。媛媛吾不得而見汝矣。吾之期女也。遠故視女如棄。不如女之望我也。恒在於目前。自今觀之。女歸寧而送我之日。是乃决別終天之平。嗚呼。吾實負女。而又何言耶。吾與父母俱老夫。吾將去此而歸。女知無知。吾徒抱恨而已。如有知也。尚當見女於黃泉。嗚呼。哀哉。尚饗。

外甥唐柳宗元集祭外甥崔駢文。崔簡之子。

祭于卿郎之魂。嗚呼。天怪

靈奇。怪斯吝字。取不可會。既審又乃神。誰以堪汝。不是思而縱其志。盜其管籥。塞其篋匱。抽深挾密。務重捐責。重之。得在榮切。榮之。又巨利切。貞也。又云。例切。高舉也。前解之多能。守吏夫職。訴帝行事。果珍爾躬。以寧其位。豈不信耶。不然。無尼誅之行。而中道夭死。莊子。為不善者。見誅之。有拔類之才。而三見廢。委仁充其軀。毒中骨髓。其何以為累也。兄弟逾十。我出惟八。左傳。成公十四年。我之目出。注。外甥也。謂柳氏所生八子。既孤。數祀中。公存沒。我為汝舅。汝為我甥。求仁其得。為善繼成。天下莫倫。古罕並行。人而思之。我欲生。嗚呼。哀哉。既致其愛。祗極其哀。秦越萬里。心魂徘徊。念與汝別。祖公之臺。顧余猶壯。視爾如孩。戲抽佛篋。笑即菓字。今謂之。前次。迨限。寺云。上待何切。下鳥回切。水曲也。笑領即路。嗚。藉不。迴。重。云。藉。音。

永樂大典

卷一四〇五三

猶又音笑。月室也。潘云。遊魂長缺。鳴呼。豈云古今。自此而乖。孰為鬼神。是陰誅。得疾之日。兄弟莫在。謂醫問巫。卒以幽昧。葬之東野。誰贈誰會。昭。撫。感。切。時。送。死。也。既。虞。以。其。誰。主。誰。轉。時。嘗。外。切。唐。祭。名。禮。記。葬。既。已。竟。宜。若。速。天。而。虞。祭。以。安。神。靈。孤。魂。冥。冥。何。託。何。遊。嗚。呼。哀。哉。刑。曹。繼。之。以。病。告。余。銜。憂。驅。使。裹。藥。探。書。雖。驚。狀。劇。猶。恃。神。扶。豈。知。所。賴。終。以。誤。吾。我自得罪。無望還都。想爾新墓。少陵之隅。何時歸。紉。圮。土。下。呼。漬。淚。做。墳。以。沾。以。塗。此。心。未。慊。祇。益。摧。紆。累。見。于。夢。寧。知。有。無。寄。之。哀。辭。惟。祖。及。堂。嗚。呼。哀。哉。祭。崔。氏。外。甥。文。二。本。作。在。君。及。則。祭。二。甥。文。即。處。道。守。胡。逾。海。外。元。者。年。月。日。八。舅。十。舅。敬。祭。外。甥。章。六。小。卿。之。魂。嗚。呼。生。有。孝。安。淑。且。茂。芳。謂。吉。其。終。道。克。就。胡。典。而。喪。離。厥。咎。芳。蹈。道。而。遠。死。誰。祐。芳。豈。汝。之。昧。不。能。究。芳。將。奪。之。鑿。使。昏。霧。芳。主。云。蘇。武。賦。切。與。毒。同。反。復。攪。予。哀。何。救。芳。骨。肉。無。從。魂。馬。翻。芳。庶。幾。來。歸。餒。以。侑。芳。餒。音。後。禮。記。注。食。餘。日。餒。言。祭。所。之餘。以。祭。二。甥。酒。實。于。觴。肉。盈。豆。芳。豈。伊。異。人。余。所。授。芳。來。耶。否。耶。歎。氣。臭。芳。祭。崔。氏。外。甥。女。文。同。之。女。名。媛。嫁。胡。州。司。戶。薛。異。叔。舅。宗。元。祭。于。二。十六。娘。子。之。靈。凡。我。諸。甥。惟。爾。為。首。甥。於。我。氏。切。一。本。作。土。恩。顧。彌。厚。惠。明。貞。淑。仁。愛。孝。友。女。德。之。全。素。風。斯。守。播。於。族。屬。芬。馨。

永樂大典卷一四〇五三

十三

自久恭惟伯姊。崔氏之女子。身中。道。茂。行。高。上。承。下。訓。克。敬。能。祭。夙。有。儀。則。刑。于。汝。曹。雖。云。性。善。抑。自。良。陶。汝。之。先。君。胡。在。爾。以。文。誨。我。周。流。辯。論。有。疑。必。果。恒。革。其。非。以。成。其。可。孰。云。具。美。易。以。生。禍。汝。及。諸。弟。流。離。莫。從。幸。獲。我。依。以。慰。困。窮。歸。之。今。族。有。射。其。容。方。冀。榮。壽。遽。罹。災。凶。嗚。呼。哀。哉。汝。自。艱。酷。二。弟。繼。終。海。門。之。哀。今。古。罕。同。駢。也。英文。敷。暢。浩。通。賞。期。振。耀。弘。我。儒。風。又。茲。天。閔。神。理。何。蒙。大。於。表。切。關。音。邊。莊。子。述。運。篇。儒。莫。大。於。此。大。謂。崔。氏。弟。安。道。守。胡。奉。其。執。道。度。海。遇。風。溺。死。在。胡。即。卿。亦。死。也。盛。德。餘。慶。宜。福。其。曹。胡。然。降。戾。惟。禍。之。逢。嗚。呼。哀。哉。前。歲。詔。追。廷。授。遠。牧。元。和。十。年。子。厚。召。至。京。師。又。出。為。柳。州。刺。史。武。陵。使。道。往。來。信。宿。武。陵。即。胡。州。幸。茲。再。見。緩。我。心。曲。猶。且。輕。別。瞻。程。務。速。孰。知。自。此。遂。聞。幽。躅。除。正。切。臨。視。無。路。邈。風。慟。哭。恒。馬。自。中。如。子。之。觸。邱。阜。有。位。青。烏。載。卜。崔。氏。葬。北。邱。山。而。青。烏。乃。相。墓。古。道。途。尚。艱。歲。月。逾。感。方。俟。歸。綰。又。忍。切。指。康。九。再。期。奠。沃。寄。哀。斯。文。心。馬。往。復。嗚。呼。哀。哉。嗚。呼。盛。衰。之。理。其。不。可。常。哉。祖母。播。芳。大。全。集。趙。德。莊。遷。葬。祖。母。祭。文。嗚。呼。盛。衰。之。理。其。不。可。常。哉。其。可。悲。也。哉。某。尚。忍。言。之。方。我。太。夫。人。之。康。寧。也。越。祥。之。化。熙。怡。怡。愉。子。孫。同。年。擢。第。而。歸。男。書。女。絲。內。外。盈。室。昔。甘。滫。醴。抱。其。曾。孫。時。節。出。遊。板。

與爭持升堂上壽賜觴累十自意平生每當如此曾不知其樂也及其喪也  
 也。太夫人不待盡而化。父僅免喪。曾志以歿壯者少者相繼淪亡。十年之  
 間。零落殆盡。於是生有不能養而死者。不得葬者矣。尚其幸者。太夫人親  
 饗其盛之樂。而不知其哀之悲也。邈焉佛廬。非神所安。祭拜掃除。不具而  
 缺。歲時霜露。肺肝如焚。蓋又十年。而後某遭時。簡拔稍建門戶。諸孫宦學  
 粗有成。立乃克襄大事。于今茲山川精華。有桂有松。靈車孔安。姻族畢至  
 而某蒙上哀。眷定侍使者之節。以來行路。咨嗟且吊。且慶庶幾于曩者之  
 盛矣。神靈在上。善耶悲耶。顧我諸孤。弗復思耶。冥冥終古。逝若斯耶。嗚呼  
 哀哉。尚饗。元王。憚集先祖妣韓氏祭文。中統元年庚申秋九月丙寅朔  
 十有一日丙子。男孫某等謹以清酌庶羞。遣奠于祖妣韓氏之靈。繫韓氏  
 先昌黎之高。枝分派。折散處於銜衣冠。煌煌文經武緯。越宋有光。司空之  
 貴。憚親其譜。本支十世。猗嗟祖妣。實出其系。薰沐膏腴。生夫盛世。德婉柔  
 嘉。主夫中饋。貞祐初元。金兵四潰。萬室一存。危若旒綴。時維祖妣歸于王  
 氏。內助我祖。畢乃家事。遂濟坤柔。外扶貞義。我堂復繼。內治雖嚴。舒而脫  
 脫。我祖先歸。我考時憚。勤苦流寓。栢舟自誓。鞠養提携。遂成偉器。名甲京  
 師。一日騰沸。抱飴諸孫。克夫水火。至克負薪。其恩非細。欲報之德。昊天罔

水樂齋卷之四十五

既八十之春。不為早逝。顧惟不孝。榮養殊替。有街不祛。涕泗而被。庚申之  
 秋。應辟東魯。力辭幕官。惟曾是主。慮其不淑。庶獲奔赴。因遂所求。心不遑  
 處。后土皇天。實聞斯語。司日之間。事易其故。天誘愚衷。駕言西驚。拜省庭  
 闈。病為少愈。九月初吉。星河尚曙。有物告終。聲裂軒戶。奄奄在床。彌留不  
 去。日薄西山。矯首云暮。風樹之悲。有淚如注。盤盤新阡。實惟高原。安之安  
 之一。遵訓言傳。家之範。敬奉周旋。在配我祖。何千萬年。嗚呼尚饗。  
 伯母不劉漫塘集祭伯母太孺人洪氏文。某等幼穉。即夫母儀。是訓是  
 育。伯母焉依。長與諸兄。各奉其親。歲時往來。喜色忻忻。彼有嘉穀。此有旨  
 酒。綵衣獻酬。間然無有。天禍我宗。降此鞠凶。吾父之葬。馬鬣新封。哀號之  
 聲。兩家相聞。寧復前時。天語追奔。興言及此。五內崩分。雖然人希七十。已  
 八十二。人有病苦。已疾而逝。人寡似續。已有孫子。生也如斯。可無憾已。唯  
 此孤生。觸景愴懷。重罹此憂。感念無涯。一觴之奠。寄此深哀。  
 母林李仲竹軒雜著祭林給事母文。猗歟夫人。夙有淑姿。歸於德門。室  
 家具宜。良人偕老。鬢髮雪垂。同坐堂上。環立佳兒。金章焜耀。問錯彩衣。終  
 始光榮。恨一無遺。其如孝子。同極是思。某嘗復升堂。瞻拜令儀。展誠薄醴。  
 情以斯詞。尚饗陳亮龍川集祭郭伯瞻母文。何郭大家。里閭相望。世有

姻連成此吉昌夫人柔淑於何用彰出從于郭通合其當女功姑置婦職  
是襄外餉賓客內謹蒸嘗必敬必戒頃刻敢忘且家宜子拱立于旁倦惟  
夫君以志自強藏鐵巨萬詩書是博論德聖賢結交老蒼無以相之歲月  
茫茫今其已矣有來感傷吾事未了付之諸郎兒亦自知若何終喪弔者  
在門有淚浪浪林亦之綱山集祭曹子微母文 淳熙改元春正月丙午  
林某謹以清酒敬致之奠致酹于故孺人陳氏之靈嗚呼昨者故人墳土  
初半去之七日又弔乃室茫茫太空孰為短長遂今支蔓其說多方通家  
之集如今幾年劉郎去後孟母復捐豈堪逝者如此翩翩追舊酸摧淚點  
雙懸理首一危亦云有子勿謂幽壤卒焉若是况乃附淑一門之懿視此  
時解庶可勿愧 祭陳子白母文 嗚呼昨者死喪并陌共嘆矧於我輩  
尤切淒斷嗟嗟夫人良婦賢母絲調鳳鳴蘭芳芝秀何為一疾遽隔華渺  
年過五十已不為春王珪之客梁鴻之窶風雨盤豆義如家人行矣身靈  
同是一哭孤墳屋角痛注心目 代林蒙仲祭母文 嗚呼吾母之柩車  
未出門我則不敢即死吾母之柩車既出門吾又思所以畢吾母之念我  
亦不敢即死號天叫地情不逮語嗚呼冤哉嗚呼痛哉 代方士登祭母  
文 嗚呼吾母竟止是耶斷機之訓嚴閭棺之夕隔千竟萬恨吐腸唾血

永樂大典卷之四百三十三

古

晨朝日東靈車且發縱有危酒景景兒女何情而為此一訣也耶嗚呼蒼  
天不孝蒼天 代曹子微祭母二首文 九年冬十有一月五日癸酉孤  
子慕敬以危酒豚魚之奠敢昭告于亡母孺人嗚呼空山送柩日其有幾  
曾是灾禍颶風又至天之降殃如不克斃延者屠裂尚有母氏舍年茹苦  
同是哀死今則與誰號歎吾母零丁一身單弱一女大叫空堂其何忍處  
三日而殮哭者畢聚所視前喪竟于已矣 又 嗚呼未及半年乃送雙  
柩主人慘禍盡於此身况茲一杯是為永訣眼枯無淚瀝血以告陳藻樂  
軒集代祭鄭氏母文 年月日蒙陽太孺人范氏出殯鄭某十一人若克  
履而有益母之喪也敢平以辭曰八十之母光于里域而况有子後生於  
式上庠校賦相如進行擬是賀杯捧壽登堂宴乃生芻繫其行李他日周  
頭葵黃而已暮春童冠游詠舞雩先王表絰但以嗟吁道傍一醉柩車少  
留小子於母諸孫輩派 代林若愚祭母文 嗚呼吾翁之死家無僮石  
前喪後喪語不同日胡為斯須有爛其額後喪前喪皆有此極雖則送終  
惟家之力子何心哉有損寧益昔焉衰新如此破裂不曰衰齊焚其巢穴  
捫心一盞何者可說不孝蒼天龜子來食 又 嗚呼人有提孩而母喪  
者有老而母存者有死而母哭之者老而母存者吾雖欲之不可得吾見

弟娶婦生子。吾姊妹或嫁或葬。今環牀而嗷嗷。視孩提而母喪。與夫死而母哭之者遠矣。然吾愛母之情。又豈若是已耶。吾翁及此。况如何其靈車去去。相見無時。泉閻可叩。吾母歸歟。有呼不聞。空涕漣如。陳耆鄉黃憲集考妣墓祭文。今歲夏五月乙酉。集英殿賜進士第。不肖孤辰在選中。退而泣下。雪襟曰。匪孤之能。父母之德也。惟父種學深行。躋于名途。又不得怡愉以老。獨昇付在耆。卿曰。而雪吾耻。吾其不死。吾母與聞此言。手持厥家。而縱青脚於學。震凌風雨。間關幾慟。然不敢一日捨學。以嬉。願母延壽。且康庶萬有一。可共斗祿也。嗚呼。母又死矣。榮念灰矣。去秋一穢。寄惟邦君之意。之屢。迨行邁。卒以捷告。春官復染指焉。昔也勞而弗收。今也惰而獲。雖一第。瑣尾不足以耀。然戶門之責。微塞泉壤之志。略伸識與不識。咸口誦二親之賢。而謂天理不終泯也。耆卿何力之有焉。繼自今。願永無怠。以答揚二親之遺訓。若曰。恭於祿而不知義。不肯孤實耻之。橋首青山。尚克臨鑒。祭董子順母文。嗚呼。人事好乖。從古而然。倚伏乘除。尸此者。天淑哉。夫人勇往教子。晉珥千金。櫛如散髮。天毒降戾。伯也不年。淚眼關山。堂幾不萱。仲也起家。藍袍歸親。賀竿橫陳。足洗前恨。而復不競。隨霜於春。既哭其女。仍摧其身。嗚呼。種果道邊。豈不風雨。迨其實。子弗使染指。

永樂齋卷萬四千五百

變化起滅。國理之常。乃如夫人。尤可惻傷。身後千鍾。生前盃酒。請言思之。誰薄誰厚。祭陳監所生母文。嗚呼。不腆敝邑。山空水深。今子云朱。實護我心。旬日所聞。萱花不樹。其果然耶。當食失箸。我觀世鏡。滿堂梨花。枯者匪天。榮者匪遐。惟其家聲。泪厥闈苑。照常春。嫩嫩長具。千六百里。在漢之濱。長風相船。竟其蚤歸。播芳大全。集趙德莊。遷葬母祭文。嗚呼。諸孤不孝。早失母慈。時方亂餘。父仕不耦。江城蕞蕞。旋踵去之。兒雖稚童。寧不知痛。日夜望父。壽考顯融。十有三年。存懼大故。父幸清峻。兒官又卑。弟呼妹號。墮彼閨幃。葬雖兒事。力惟它人。西望母喪。不敢言祈。飲此沉恨。天地有窮。惟禍之延。譬彼烈火。死威救生。窮無歸處。十年神怒。始息。嫁娶官學。稍為主人。兒宰是邦。與民相樂。退而可老。乃營母宮。遠茲告遷。兒亦白首。阿中自刀。始終服勞。諸孤四方。不能咸集。兒獨最幸。蒙上表吟。載以輅車。歸為母寵。親郊之慶。父升脚班。母貴如之。綸告罪至。積善之報。匪我後人。惟兒弟兄。視母如在。或仕或處。實為一家。護持松楸。罔敢息。夫母也。安止。寧知兒孤。嗚呼。哀哉。尚享。王介甫祭呂望之母文。嗚呼。賢矣夫人。善持閨閤。皓若玉雪。一其終初。允孝維婦。允仁維姑。實生才子。我所歎慕。秉義率法。罔而不愉。夫人之教。著不可誣。歸殯窆窆。無悔無愉。維子之故。具此



永樂大典

卷一四〇五二

祖壺嗚呼尚享。元清仲源某祭顯妣文。某仰承積慶。忝任于朝。初忘親  
 貧。懋微祿。實以家世。簪纓所傳。通勉庶幾。用光遺緒。既蒙封贈。于穉世科。  
 先德致然。自惟何力。因循於外。觀省曠時。得告言還。行及鄉里。始聞凶訃。  
 慟哭何追。嗚呼。養生既乖。送終弗及。負此大罪。天地曷容。小祥候臨。設此  
 非祭。不勝哀慕。如見茲頌。尚享。國朝吳海州過齊集鶴心齋墓祭文。  
 歲在庚戌。冬十有一月。壬寅。哀子海。既葬。我妣涪州。今府君。宜入楊氏。我  
 所主母。高氏。及弟福寧。監稅吳次宗。于懷安縣。恭順里。鶴心齋。而與以告。  
 曰。嗚呼。自吾親之歿。二十年。而後克葬。傷哉。貧也。負罪。忍死。生天地間。仰  
 惟鞠育之恩。顧茲。衰病之年。昊天。同極。其曷云報。今宅兆既建。言即窆。空  
 千秋。萬古。永無見期。攀戀。松楸。不勝感愴。吾弟。次宗。以君之賢。克繼先緒。  
 遭世。擾亂。遂。不仕。平。亦何促。知命。不侯。君昔。垂絕之時。呼兄。欲言。而不  
 得言者。豈非。以後。嗚我耶。今葬。二母。于茲。君實。從葬。我孺。子。築。亦附。于。旁。  
 天光。照臨。上。燦。以。剛。山川。秀。妍。四時。異。景。君。其。樂。之。猶。有。神。靈。相。其。後。昆  
 慈。母。畢。西。臺。先。主。集。祭。范。侍。制。慈。母。文。太。大。人。躬。治。其。家。既。不。墜。文。正  
 公。之。法。度。而。主。子。復。能。自。奮。發。入。為。天。子。從。官。出。總。邊。吏。號。賢。帥。人。皆。曰。  
 太。大。人。教。之。也。大。人。治。家。既。率。循。其。先。世。教。子。又。貴。為。時。名。臣。近。代。以。門

永樂大典卷萬四千零三

去

戶為事者之至願。而况錦衣華髮。享其榮祿。數十年。至親。屈天子之使。喪  
 恤于家。則雖亡。有不亡者。某為太夫人之子。侍制所知。未得上堂。再拜為  
 壽。而遽聞訃音。於千里之外。是宜有以相待。利公之哀。則酒醴。殺。較。之。奠。  
 岳涕洟。而送之者。豈無從出哉。伏惟尚享。

叔母宋楊氏。歲集祭十三叔母文。某幼而無母。喪父老。而哭繼母。裝裝  
 余生。未即死者。有叔父。而猶父。有叔母。而猶母也。歲在己酉。天奪我叔父。  
 今茲。天又奪我叔母。未死之身。具將。嗚呼。依。天。于。痛。哉。天。乎。寬。哉。共。惟。叔。母。  
 大。猶。人。女。德。柔。惠。婦。職。孝。敬。母。道。宣。慈。生。膺。恩。封。年。享。九。齡。子。孫。盈。庭。相  
 傳。詩。禮。復。何。憾。焉。誰。云。壽。危。變。為。真。酒。嗚。呼。哀。哉。尚。享。又。嗚。我。先。妣。  
 叔母其如。嗟我繼妣。叔母其弟。二妣棄我。我主。栖然。有叔母在。如母存焉。  
 有笑降割。又奪叔母。疾哉。余生。何恃。何怙。豈無骨肉。莫非。後來。母。今。逝。矣。  
 云。胡。不。哀。有。飴。其。祖。有。刑。其。醜。一。觴。送。歸。云。胡。不。舉。自。此。永。訣。千。年。不。展。

仰瞻高堂。有淚盈中。嗚呼哀哉。伏惟尚享。 維年月日某以清  
 天母唐柳宗元某祭獨孤氏文。母文。獨孤中叔之。 維年月日某以清  
 酌之奠。祭于獨孤氏文。母之靈。惟靈育德。涵仁。克主。賢子。獨孤中叔。子  
 重。年。年。二。十。七。生。而。不。淑。未。壯。而。死。名。播。九。圍。望。高。群。士。維。微。祿。位。人。美

其美在抱無孫承家乏祀孝女良婿適遇燕喜其義與子重道契義均知  
 心為貴寶在斯人奉養宜繼將致其勤竟惟禍福逾紀滯淪風志斯阻微  
 衷莫中冀榮末路私願獲陳遽此承計天子不仁嗚呼哀哉昔也高堂世  
 悲其獨今茲玄室孝道當復神感昭融不疾而速靈識逾濟承歡載穆武  
 致其安寧真其毒願言有知以慰幽獨珥除七旬宋劉才郎杉溪居士集  
 父母項氏太孺人祭文 維紹興二十年歲次庚午十二月癸卯朔十日  
 壬子婿某謹以清酌庶羞之美致祭于故文母太孺人項氏之靈欽惟懿  
 淑克有全德耽玩圖史遺訓是式婦道柔順母儀均一內外肅睦咸賴壹  
 則福享高年榮膺褒錫有子有孫蘭芳玉之待其一二人以為難能兼有  
 之何所憾焉顧惟親黨素所宗仰於其逝也能不悲愴頃緣姻契獲預東  
 牀丙寅之冬赴官南漳念及歸時再拜外室豈謂凶訃聞於清江加襚弗  
 及撫棺增傷痛念永隔流淚浪浪尚期不昧來舉奠賜陳滌樂軒某代林  
 權御祭文母文 嗚呼夫人偶來未還竟爾不起大豈終焉蓋亦有地生  
 則故事死其敢負置棺我屋哭之如母于嗟白頭嫁夫育男一夕瞑目否  
 東西向唯暮之春遠日斯至于來逆柩歸祀故里一杯長訣竟無慙愆義  
 隨子歸我不敢留林亦之朝山集代三婿祭文母文陳逢慶 劉均季宗

水樂大典卷萬四千五百三

七

名 吁嗟吾母女全三索吾母及陳同年易養母方問醫數藥先行今於  
 夜臺見曾不曾兩家稍隔近惟宗名刺有數回款陪言笑今其已矣夢過  
 難尋亦惟出門觸事傷心灼也立生匪陳匪孝母老何憂所憂獨此死生  
 既判此念宜休三人拜哭有獻無酬 代顏氏定祭文母文 嗚呼人生  
 聚散固有前緣身後安排其定爾前莊生寓言卜埋衛靈凡百非偶石棺  
 先銘今茲宅兆宛然者夙山後山前皆吾眷屬勿言無嗣以主斯墳松楸  
 拜掃蓋有外孫雖更後代蹤跡難踈吾家有塚在其鄰居 代祭文母文  
 嗚呼吾生兒而母愛惜之嘗吾兒而母嘗敬之是曰天倫是曰天屬雖  
 欲勿哭如之何而勿哭也已 又 嗚呼婦翁好閑豈關嫁女一錢寸帛  
 母潛積貯性嗜婦工老亦忘勞以是二女曲沐恩波沂也一生依歸蓋久  
 壯則外姑幼為舅母宗傳晚來尚稽往拜見必重歎息渠鍾愛沂心孔哀  
 傳心不足喪難復奈耐雁躬哭  
 嫂蘇頌滿集再祭亡嫂王氏文 維崇寧元年歲次壬午四月乙酉朔二十  
 三日丁未具官蘇敬與新婦德陽郡夫人史氏謹以家饌酒果之奠致祭  
 于亡嫂同安郡君王氏之靈嗚呼天禍我家兄歸自南沒于毗陵諸孤謹  
 喪行于淮汴望之拊膺自嫂之亡旅殯西圻九年于今兄沒有命葬我寓

少土厚水深遠往告遠及迨新婦靈輜是升道出潁川家寓于茲迎哭傷  
心遠日孟秋水潦方降畏行不能塋兆東南精舍在焉有佛與僧住寓其  
室以須兄至歸于丘林雖非故鄉親族不遐勿畏勿矜嗚呼尚享割給事  
集七十嫂方氏祭文 嗚呼先兄之亡十有九年惟我今嫂送往事存鞠  
育二子迨及諸孫至于有成實難且勸念昔官學兄當我門道路糗糧恣  
出厚恩嫂實相之絕口不言我婦來歸教誨周旋雖曰婦如弟妹焉究  
觀施焉豈不曰賢云胡南來避地秦川不幸得疾藥石不痊神識奄忽遂歸  
九泉嗚呼哀哉生死脩短厥數在天雖云異鄉如鄰邑然魂魄流行往歸  
不難旋館于茲神其少安音容永遠日改月遷一真靈惟推曾裂肝  
妻唐獨孤及毗陵集祭亡妻傅陵郡君文 大曆八年二月十五日檢校  
司封郎中兼舒州刺史獨孤及謹以清酌粢粟之奠祭于故傅陵郡君之  
靈嗚呼及顧惟鄙薄謬忝合好採葉助祭歲時未幾執手偕老昊天遽奪  
齊體苦晚遺跡太早猶未知壽域有涯短長各終其極耶將及薄祐速喪  
且為淑明所棄耶屋壁掛存琴瑟響絕脩法勸義今將時依日月有時應  
筮吉協將涉故路附于先塋及為印綬所拘不復親自封樹豈虞此別死  
生間之注歲方舟借來今也單精獨歸郟岐一恸心骨可絕頃者萬事無

永樂大典卷萬四千

非去塵變化茫茫往矣何道今日卮酒將行永別尚饗元稹長慶集祭亡  
妻韋氏文 嗚呼叙官闕誌德行具哀詞陳薦奠皆主者之事也於死者  
何有哉然而死者為不知也故聖人有無之嗚呼死而有知豈夫人而不  
知予之心乎尚何言哉且曰人必有死死何足悲死且不悲則壽夭貴賤  
縲麻哭泣號爾遺推慮然蹙夫皆死之末也何悲焉况夫人之生也選甘  
而味借光而衣順耳而聲便心而使親戚驕其意父兄可其未將二十年  
矣非予之幸耶逮歸于我始知賤貧食亦不飽衣亦不溫然而不悔于已  
不戚于言他人以我為拙夫人以我為專置生涯於獲落夫人以我為適  
道循晝夜於朋宴夫人以我為狎賢隱予章中之言嗚呼成我者朋友怨  
我者夫人有夫如此其感也非夫人之仁耶嗚呼歎歎恨亦有之始予為  
吏得祿甚微魂自前之戚戚每相緩以前期縱斯言之可踐奈夫人之已  
而况勞手於千里忽分形而獨飛昔慘悽於少別今永逝與終離將何以  
解予懷之萬恨故前此而言曰死猶不悲嗚呼哀哉惟神尚饗宋劉攽彭  
城集祭亡妻穎陽縣君韓氏文 嗚呼日月不居節序代逝傷悼如昨忽  
焉周歲追惟話言衍衍今德惟祗未更究然餘澤情懷摧割有涕漣而泉  
噴真漢詎復我知素心依佛覺悟至理超生淨土想必去此禮制有經明

當變服真勝陳詞。足以哭嗚呼。哀哉尚饗。洪忠宣公鄱陽。秦代張。送郡祭妻韓氏文。自供蘋蘩。弗徂門地。鍾禮復行。郝法仍備。持身溫恭。臨事明慧。睦交修。賦獲無濟。不入外言。唯主中饋。家道游心。空門垂意。十有八年。和鳴伉儷。伏暑方闌。秋高存至。匪天降災。何物為厲。遽嬰沉疴。俄歿天逝。下壽非長。猶虧五歲。弔者滿室。孰不歔歔。偕老弗諧。如賓且置。我痛悼亡兒。號夫恃二毛。已侵四德。時繼永遂。鰥居終稍。鴈帶用慰。孤魂聊伸。獨志潘詩。可哦莊歌。莫級未免。撫於寧忘。隨淚欲遺。哀情為陳。薄祭蕞立。方歸。憑集亡妻大祥祭文。嗚呼伉儷之愛。頓隔泉壤。日月逝矣。俄及大祥。徹八中堂。遶神家廟。聊陳薄奠。式蒸芳魂。號呼不聞。有淚如雨。嗚呼。哀哉。許崇衡橫塘集祭亡妻文。祭告于前妻陳孺人。嗟汝歸余。余方初官。憂患窮空。實罹百艱。義命之安。亦克自娛。匪汝勤儉。孰左右予。尚期壽祉。爰享其報。云何不淑。卒罹短天。自汝云沒。于今九年。顧念平生。不忘朝昏。歲行壬辰。辰有降日。天追榮之恩。下逮九泉。主也何戚。沒也何慶。國有典常。服此休命。食飲滿前。衣冠在司。汝歆受之。主者之意。陳亮龍川集祭王丞內子文。嗚呼伉儷。雖以義合。而相配相求。天實為之。脩短固有命存。而且感且傷。人實當之。况其配也。於天下為最佳。及其傷也。於天下為最慘。此

水樂齋卷四十五

九

長號大恸。所以不能自己。而朋友不敢以理相譬。解者亦知情之未易奪也。嗚呼。天乎。人乎。是皆不可得而知。而死者渙然。米釋生者怡然。理順乃於處變為無憾。而人常未易至此。雖托契於夫君。豈能保安人之釋然耶。情之所窮。理之所在。一酌之不敢廢。語言之不敢苟。者不敢以死者為無知也。安人豈以其言為墮於杳眇。而不足聽耶。情文苟稱。安人其鑒之。樂水心集祭妻令人文。嗚呼。子之物。變周匝不止。於緝一家材。明勇決不止。於了一身。余寡偶而少徒。忽遇子而獲親。雖月艱而歲棘。常旦友而昏賓。何慮之多。而食之鮮。豈衣之敝。而筭之新。動息先至。如鶴鷺。分寸自達。如葦涉津。竟復奚為。丘夷谷堙。哀故悲夫。拔塵凡而高騫。既周滯於性靈。撫楸闌而遠離。亦靡衣於情貞。哀莫哀於道無成。悲莫悲於事難平。昔余疾屢絕。子誓以偕死。今子病亟。往余不知。無生漂枯槎之介。雪喋野鷹而吞聲。大地湯湯。誰濁誰清。昭此無昧。浩乎獨行。林艾軒集代方正字祭妻劉孺人文。元年冬十月丙申。左從事郎新改差泉州州學教授方蒼。以魚菽一食之祭。告亡妻孺人劉氏。嗚呼。汝以阿成。逆婦未有來日。汝之魂夢。飛揚出屋。竟以是不得活。嗚呼。痛哉。吾遇物多福。急汝之事。我如事父。吾彌年枕疾。手足無所用。每須一物。不即來。便欲自斃。汝又何舍我而

永樂大典

卷一四〇五三

去耶。卜日而飲。汝子以觸酒。笑汝。且想何成。是日方寸自裂也。此又所不  
 忍道。嗚呼痛哉。唐仲友。既齊代人。祭妻文。嗚呼。自子之逝。時別三換。  
 風凄酸。時觸緒。惟感追惟平。生安樂。患難在子。何愁。子豈無憾。惟西有丘。  
 子昔窮處。惟子于同。躬親勞苦。陳駒電邁。回首三紀。卜窆云吉。豈伊偶爾。  
 新阡子管。附棺必誠。誓將同穴。庶其安靈。即遠有期。祖載不反。跪奠一觴。  
 有涕其隕。又嗚呼。自子我歸。餘四十年。始終百罹。不可殫言。子安于  
 室。不困而遷。期于百年。胡棄而先。子榮沈疾。我數行仗。子不我尤。知我艱  
 棘。我送于廬。生理蕭瑟。賴子我寬。子志俄劇。藥石靡效。天耶人耶。我亦白  
 首。而又莫嗟。所嗟弱女。裝裝何恃。念此盡傷。烏維其已。古有達人。我何能  
 為。莫子一觴。涕泗漣洏。劉漫塘集。繼室安人梁氏成服祭文。惟君席貴  
 盛之勢。而不驕。稟高明之資。而克順。其奉已至約。而待人則豐。持家甚嚴。  
 而臨下則恕。是用相我二十有三年之間。使養生送死。上不負於偏親。厚  
 往薄來。外不失於宗族。姻黨。燕嘗之薦。得以無闕。衣食之奉。得以有繼。而  
 又安貧喜靜。使某得以逍遙甲里。苟樂餘生。雖古烈婦。何以加諸。而一病  
 累月。竟至不起。嗚呼哀哉。臨訣之言。曉曉。兒女雖幼。粗亦曉解。目今教飭  
 不廢。或可成立。以遂君志。女以久病。動須人扶。此君之所重感感者。而君

永樂大典卷一四〇五三

子

日未曛。女行自如。豈嗜昔夢。其能行。固死見於今。耶嗚呼。哀哉。棺斂之名。  
 女隸。吉君治命。今用四季衣。各一襲。餘悉篋藏。以俟諸子。既娶。均以惠之。  
 使諸婦。猶識先姑手澤。某奉命而行。其敢不謹。自餘金珠首飾。雖常所服。  
 用。皆不以歛。君靈不昧。尚識斯意。嗚呼。哀哉。嗚呼。哀哉。君以二十有一日。  
 癸未。棄世。越翼日。即遂小斂。以長子奉君治命。成姻。婚三日。丙戌。方遷。乃  
 克大斂。迨于今。喪服始具。某始克與諸子。及君之諸婢。成服于柩前。因致  
 薄祭。以奠以告。其痛方甚。事方殷。言不成文。君靈昭昭。庶其念此。嗚呼。哀  
 哉。繼室小祥祭文。死生一決。日月不留。嗚呼。君之亡。倏然哉。周君性高  
 明。古哲婦伴。其視有生。如水浮漚。豈其曉然。有懷舊丘。惟是男女。未知戚  
 休。學業不勤。梨棗是求。臨訣之言。纏綿綢繆。深惟此心。早夜以憂。幸此期  
 月未底。悔尤。女雖未慧。厥疾已瘳。家婦相與。女工是謀。男雖不敏。而性未  
 流。擇士之賢。朝夕與游。庶其有覺。或謹厥脩。練而慨然。我思悠悠。夜夢見  
 之。精爽飛浮。有酒伊深。茗茶庶羞。君靈不昧。尚鑒茲不。代弟。不節。祭妻  
 文。夫婦之情人。所甚重。死生一別。恍然如夢。去歲書雲。齊眉歡哄。今也  
 長至。號泣擗踊。蘋藻祭祀。未愾。誰共。賓朋往來。燕享誰奉。嗟君之亡。家事  
 倥傯。失此內助。害其隨踵。追惟平昔。豈不悼痛。節物變遷。尤增感慟。魂兮

何在耶陳非供寫我哀思萬之一物又 惟君孝教以事吾親以祀我祖  
 宗勤儉以飾其身以殖吾家凡吾所以寒衣飢食不愆其度而斯新自給  
 不至於空乏者皆君之力也嗚呼君遠去我而死乎死人所不免而君之  
 死何其遽也嗚呼昔之夜弔死問生誠意惻惻無幾微見於顏面歸而嘔繼  
 而熱謂是衝風感寒之常而平旦以死告自常人聞之猶驚但夫聲况吾  
 與君夫婦之情也哉况夫婦相依以生如吾與君也哉嗚呼哀哉人之將  
 死藉與主者不厚別懷悵悵猶不忍訣而君之死竟不吐一語人之於死  
 者藉不厚猶鬻卜並用以幸其主而君得疾之夜吾視以為常僅一謁醫  
 已不及事嗚呼君死則已而我終天之痛何時而已乎謹以君死之五日  
 半君兒女與君諸婢裒麻祭告以安君之靈魂而有知歎茲忱意陳藻樂  
 軒集祭妻大祥文 嘉定庚辰良月丁亥朔越日而吾室劉氏大祥夫陳  
 藻以危酒家殮告之曰老不得聞我常出入長男長婦香火晨夕女嫁雖  
 近朔難歸拜季初節序其夫足代汝妹三年禮過而癯幽明且隔汝知之  
 乎隻弟游浙次丁客淮喪汝終矣勢渠未回黃緣聚散蓋非偶然哀晚幸  
 存撤汝靈筵代祭妻大祥文 昨者相離不能斯須可忍許時幽明異  
 途汝聞吾哭汝當何如哭之不聞吾空眼枯吾翁在堂七十有八仰事無

永樂齋卷萬四千五百

今若能殫懇來似汝我心庶安苟不似汝處之亦難嗚呼蒼天 祭妻  
 入坎文 嘉定己卯二月壬寅夫陳藻以亡室劉氏坎于北山之原越日  
 癸卯乃以危酒家殮天爵之此於檀弓為雙禮也曰世俗流傳葬祀新墳  
 以相山者祈祝云云天地神祇草木靈鬼尊卑混淆吾不敢聞昨以苟率  
 告于土地今茲一將亡人其嗜有無當肅幽明難議一念之形左右希至  
 南谷山外神無與致代子俞祭妻入定文 汝病多時吾疑汝死棄我  
 而行吾亦已矣長女之婿與吾次女強健何疑死乃隨汝一來哭母一來  
 哭姑五旬三變誰堪此乎送汝入土懷彼雙墳嗚呼嗚呼苟為肺肝代  
 丘叔為祭妻文 年月日吾室中陳氏以是日掩坎夫丘某哭告以辭謹  
 今哀子相上香酌酒以吾老而不任拜跪故也嗚呼五十年前今朝生相  
 相今生朝哭埋母氏思昔團樂今日課夫日辰一律吉凶殊塗嗚呼阿婆  
 生居墓東死藏屋後君緣先斷誓藏相守髮幸俱華棺依靈朽居也知歡  
 藏焉莫否嗚呼哀哉代劉源仲祭妻文 嗚呼昔我雙婦汝嘗嫁夫半  
 生夢斷老大相依有年二十再似何曾汝病久長見我真情知汝者我慟  
 汝者吾勸余勿哭何以斯須我飽我溢汝懷多少蔬食化珍垢衣澣濯今  
 其已矣我獨奈何雖欲致為哭不能歌代吳叔清祭妻文 慶元庚申

除日辛亥而一歲中朔之氣盡於甲辰吾婦黃氏以是日微內殯于外墳亦襄事漸遠之義也夫吳某以卮酒家殮時于廳事其辭曰十有二載事無關心事今聞我恨能不深我母視汝謂為姑姪可以團樂遽成慘戚汝母所生惟汝一身矧今耄及天大違人小兒解哭見者生哀未詳哭者重傷我懷柩車將出少留一言骨朽相依千古同墳代盧子俞祭妻辭堂文嘉定丙子臘月己未吾室中古龍林氏之喪以其夜為大夜也大盧某男某婦氏幼孫以觴酒豆肉哭道于柩下其辭曰姊妹四人以序當家天明貿易夜雨絲麻資嫁自營豐人共跨君季及行創新家什工曰小娘此非念及答曰住持此當辦集及來歸我我實幸然若內若外助我周旋婚嫁才畢病即嬰纏惟君姿華女中丈夫孤標特操不肯早汙似能早發先我暮途代連仲祭妻文嗚呼汝之喪也而吾築室蒙中蕭然矣二子長成且娶忙為畜焉十有五年而後及此役役生之急矣禮吾不致知也於乎曩也歸我七年而汝病病及八年而汝歿娶之日也如是耳而離散焉今不知吾日有幾也身世違而骨汝依朽而後滅雖然其同穴也知耶不知耶其不知也哀以送之代丘伯野祭妻文嗚呼六合空闊屋舍我隣人衆何限伉儷汝親因緣有是因緣反無百年一夢三載須臾數窮即滅暫不可留情深痛極自墮乃瘞父母一我曰婦一汝生曰汝歸與我同乳茲焉吾父呼嗟有時奈何吾母言即涕悲汝不生男吾母奈何幸有一孫亦慰阿婆視人嬉笑曾不叫啼兒我適矣汝我恒苦汝爺何方天南別駕不能偕行女子有嫁汝舅幾程往省汝爺何日計書可到天涯汝媽念汝汝行作夢勿作夢魂汝媽驚慟天明蕭鼓送汝前村迎汝幾時錢汝此樽祇言汝病誰知汝折床頭數語嗚呼此訣又年月日吾室中林氏其亡也暮月矣男公說雖有三年之喪幼且弗知夫立耕以是夕釋麻麻徹汝靈座祔香火于吾家之先阿官阿家哭汝如初嗚呼吾夫婦一主一死之情吐于曩者出殯時汝之辭矣今觴酒豆肉再告曰嗚呼吾叔與汝叔今夏還自甓管言汝家去歲進除始聞汝喪汝父汝母汝弟外祖母哀恸他鄉不以活為命也嗚呼吾今忍言之耶近得汝弟書謂汝爺沿檄往某州大小無恙也子剛六姨立兄之子渠皆年少豈非一汝驚駭而為是耶汝別幾時吾家婦氏翩翩繼往南屋六姨上元合盃端午蓋棺人如四二姆俄四十而已矣六七郎枉勞騁約黃氏女亦相見於彼耶人生短促不獨汝夫汝生耽解今汝有靈想益悟應不憾其死向汝之將瞑也整襟微笑曰我且何適嗚呼汝今何適耶生佳耶死樂耶尚憶有

父母骨肉大婿嬰兒間里耶。依憑道釋。為汝冥途曰。罪曰。懺是非。有無貨財衣服。惟楮之化。不妄不貳。祭享來下。嗚呼。留棺野寺。非不葬埋。俟汝父母。天外歸來。庶幾一見。滿其至懷。雖然。卜穴千古同哉。莫有畢而言有終。嗚呼。痛哉。胡銓。潘庵。集祭妻劉孺人文。維紹興二十九年歲次己卯七月某日。夫期服。胡某謹遣姪男濟。致牲酒之奠。于故室孺人劉氏之靈。自君為吾家婦。三十有二年。家人短長不入吾耳。事吾父母。吾母盡孝。居舅姑之喪。盡哀。事吾兄嫂如事舅姑。與吾處。嶺海同患。雖十有五年。垢衣糲食。如一日。未嘗愠見。不死于嶺海。而歸死于鄉。此君平生為善之報。吾滯留衡州。君疾不得視醫藥。病不得聞將死之言。歿不待訣。別以盡辭。歿不得憑棺。以盡悲。葬不得哭。墓以送終。罪我之由。其又莫咎。嗚呼。哀哉。吾老矣。君不借老。是為無涯之感。然壽五十有四。命服在躬。餘二十年。婦如行如君。蓋少。况男女不夫教。男也克襄事。而女有所歸。其餘幼子弱女。當長養成就。以卒君之慈。復何憾。恨吾之葬。吾雖在遠。而猶于說說。皆能助執紼。與吾送終一也。嗚呼。言有窮。而情不可終。吾尚忍言之。尚饗。沈忠敏公集安厝亡妻淑人范氏祭文。嗚呼。自君之逝。既閱初祥。寔宵未安。夙夕靡忘。爰得吉卜。大壯之陽。與我先壘。喬木相茂。將舉君柩。茲焉永藏。引觴告訣。

永樂大典卷萬四千零三

三

言出涕滂。嗚呼。哀哉。尚饗。祭權殯吉亡妻淑人范氏文。嗚呼。哀哉。君歸我家。十有九年。我仕不偶。半世迢迢。鞠窮閭。凶奉我周旋。克相內事。見謂為賢。比我叨榮。遭時多艱。心期安平。白首相歡。別我經旬。歸歛。君魂空閨。無人誰與。話言嗚呼。哀哉。弱子稚女。號呼徹天。失此慈母。誰拊誰憐。願瞻山林。卜云未安。今舉君棺。奉葬祇園。牛衣之泣。尚何可論。長號永訣。夫聲煩寃。嗚呼。哀哉。尚饗。王之道。相山某。遵葬吉先妻文。汝以盛年。棄諸子事。厥姑于地下。在汝亦云幸矣。而諸子癡且頑。男及冠。而忽於詩禮之學。女以笄。而昧於箕箒之奉。啟迪扶持。獨能無意。耶先妣之死。汝實送之。先考之祖。汝其知之。今特遷先妣於祖塋之東。舉先考於相山之西。而合葬於軒車之南。檀林之麓。以汝侍先妣。而居於右。以亡姪童兒侍老考。而居於左。汝其有知。庶鑒此心。李潛軒集。萬松閣壽藏祭前妻墓文。維慶元四年歲次戊午三月戊戌朔十五日壬子。夫李某。以家饑。清酌昭薦于前。妻高氏之墓。某與君結髮六十年。共處九年。而君長逝。卜葬溪東。鷓鴣之麓。曰李窠。已五十年。美君之行。實予嘗銘其阡。馬惟是氣序。汎易松風。草露有慨。於予心者。迄今猶未忘也。予後君一歲。生今七十七。既老且病。齒牙筋絡。日夕作楚中歲以來。又病脚氣。自去夏發動。疼痛交攻。唯恃淡



永樂大典

卷一四〇五三

粥以苟全性命思欲預為終制卜於他所又輒不合嘗因往來見君兆域之左正直坤維約十來武似可以為予歸全之所以問日者莫不以為宜退而喜曰予與君契闊許久今乃營壽藏於其側使異時尚獲相依於冥漠之中雖百千春秋孰究其終窮既安且固以利我後雖前時相從之日淺亦可無憾今之偶值歲月日時之良日者以謂用之存沒俱便遂鳩工平治基址凡百務從質實自首丘之外唯有水路拜壇下剝門庭實不可闕者粗令為之庶彼此無害但不至廣有興造以侵傷山氣至於整治墓道穿池栽樹修葺守屋日以精舍廣開意戶使子子孫孫中有好學喜靜者緣業其中因以省視立雙壁兩地之所同也當其始事斷腸以告嗚呼吾言悲夫魂其有靈尚鑒茲哉猶步大全集孫仲益祭前室吳氏墳文恭惟伉儷之好實同貧賤之交天不假年死生契闊追慟九原之隔貪榮一紀之餘記備潘維遺參法從爰舉終衣之典實資內助之賢象軸錦囊光賈泉壤英魂如在歎此寵靈嗚呼哀哉尚享 吳元及祭婦吳氏文惟靈提蘭蕙之質于季英之宵而執箕帚之奉于子雲素範之門鸞鳳聲巧桃李華芬光婦德之肅雍以和夫家而舅姑綽以孝聞其此數美是宜康寧壽考視靈椿以久存風魂雪魄忽先朝露故天道以寧論雖死生壽

永樂大典卷一四〇五三

五

太遠人視之猶旦暮而藐耳諸孤惘然無依曷勝于蕭蕭之夜月黯黯之愁雲某幸聯瓜葛久被仁恩間計何適抱恨無言氣已絕而復續聲已發而屢吞嗚呼哀哉蘆花雪舞菊當金噴况是人情最難死別那堪秋色偏易銷竟肉在姐兮酒在樽薦生第兮淚霑巾尚饗 葛謙白祭亡妻大祥文 嗚呼伉儷之愛頓隔泉壤日月逝矣俄及大祥徹几中堂遷神家廟聊陳薄奠式燕芳魂號呼不聞有淚如雨嗚呼哀哉趙廣齋送茶館集祭鄭碩人墳所文 予歸來得聞為爾卜地八三年矣近始得一二所而日者謂爾葬年月未利且予又叨上親權之命控辭不獲被旨趣行旦夕即就道乃尚滯爾於墳房不勝悽惻之至敬以菲祭白此衷忱爾其鑒之啓到青錢羅澗谷撰夫祭妻文 嗚呼爾生名家未殯于我奉我宗廟四時蘋藻事我諸兄恭執婦道歲在壬子我車入城爾抱幼子獨以歸寧其在癸丑我如臨安爾書之來炮我取官滿謂結髮偕老百年爾獨何辜幸逢而遷九原何許爾去不歸嬰孩三尺予將疇依嗚呼宜安之源泉草枯相舅姑之墳在於其側數椽暫建以奉窀穸行將卜地以為爾宅祖奠于庭靈其飪食元陸子方集代夫祭妻文 嗚呼哀哉夫婦之義著在三綱死生孔懷不器神傷昔君來殯逮事姑嫜孝養無違迄于終喪手鞠二難訓

以訶責長也不淑。李也在傍。女歸寧家。婦饋下堂。意其晚節。享壽而康。且性太慧。故命弗長。嗚呼哀哉。君疾甚危。醫庸弗詳。始于憂勞。七情內戕。乘以驚疑。生于膏肓。回生無丹。返竟無香。嗚呼哀哉。舍西百弓。水遠龍崗。汝生所命。卜吉而藏。精車在野。寒日無光。嗚呼哀哉。吾今而沒。撫汝子女。念汝之自出。婦汝姻戚。如汝之未亡。百年同穴。此誓不忘。靈其有知。來歎此傷。嗚呼哀哉。王憚秋。集為姓氏。吉亡妻文。維丁亥歲。六月十八日丁丑。夫憚謹以茶果之奠。告于夫人之靈。推之為姓。世不多有。故嘗詢其所從出。為汝討論者有年。一無所見。適讀潛夫氏姓論。曰。惟氏。建氏。南氏。舒氏。皆陽氏。黑肱氏。皆出楚之芊姓者。先君熊繹氏之胤。其來光且遠矣。嗚呼夫人。歿而有靈。亦將歆慰其光。且遠者。罔是不取。不告尚事。罔恕。樂菴集亡妻改主祭文。維年月日。夫恕敢昭告于顯孀朱氏夫人。奉四月日。制書。追封汝京北郡夫人。恕以延祐六年。祇奉召命。備位官臣。國家恩及幽漠。有此褒贈。主同其艱。而不得同其慶。哀可言邪。謹告无陸子方集。代祭人妻某氏文。嗚呼。上壽百年。止三萬六千日。靈之享壽。八十有九。去百年而咫尺。雖蓋棺而無憾。終過變而哀感。惟靈生自名。寡孀于華宗。溫柔良善。貞修靜恭。懿厥哲婦。如冰如玉。洵美且仁。命也不淑。靈砧先逝。

永樂大典卷萬四千零三

眾雜亦飛。裝裝弱質。屏室嗜睡。彼西方曠。日長歸某。遠道言旋。入門驚訃。總車素幔。空室日莫。寄哀一奠。為淚如泉。清酒在壺。嘉賓在蓮。魂兮來歸。有風蕭然。嗚呼哀哉。弟婦胡銓。滄庵集代妻劉祭弟如文。中。維長叔如相與最久。一別十年。忽以死訃。念汝之為五長。俱有赤旣。抱孫我未有婦。云胡不淑。止四十九。金玉滿堂。莫之能守。嗚呼哀哉。尚享。宋胡寅。斐然集祭李弟婦唐氏文。維紹興十七年十二月二十六日。伯寅姆姆翁氏。同祭于三十四。婚唐氏。惟靈生自名。族來嬪胡門。逮事尊章。祇肅晨昏。燕及娣如。情同友昆。相其夫君。克有諸孫。室家今儀。外無問言。歷時多難。翼翼辛勤。謂享晚福。以永其年。何期奄忽。命也難論。今當永歸南山之原。酌此家醴。具此常饗。終天永訣。有淚盈巾。竟乎未泯。尚克有聞。劉漫塘集祭弟婦聶氏文。嗚呼哀哉。人之家。凡醴醢之陳。鼎俎之資。饋餼米蔬之供。以祀以蒸。者皆有政。資以相傳授。予兄既。獲予於繼。稱為長。不幸再娶。前者大繼者。後家之故。實前無所傳。後無所授。猶幸來者。可以判聞。故家之遺風。則惟吾弟婦是賴。蓋其來也。猶及事我。亡姊與亡姊所生。今亦已矣。一奠之哀。豈直悲吾弟之夫賢內也哉。戴榘。說川集族祭教忠弟令聞宜人文。嗚呼潘楊父

友。地禮儒門王謝家。天姬萬倫。兩美之合。于古罕聞。展如夫人懿積果  
芬。教成桂室。明經家婦。其養伊甘。其薦伊楚。相依夫子。如玉斯組。和以慈  
物。敬以輯務。煌煌天闕。著藉以朝。未精翠節。介于憤鑣。豈不赫奕。而邑靡  
驕。履跡順至。天道孔昭。繫世闕陷。雖天莫巧。五福我矣。維疾是悼。四十二  
春。半為治療。有劑萬金。莫親一效。嗚呼痛哉。某等墜于閨闈。風稔音微。姊  
規如式。老睦雅依。粵閩隴計。連泗瑛歸。一觴縮酌。安此精中。

姊范太史某祭姊文 維元祐七年歲次壬申十月庚戌朔九日戊子第  
某以清酌時羞之美祭于亡姊仙源縣君之靈慶曆戊子大江之南惟汝  
初生。先成我八年。夙喪先妣。汝始總角。先君鍾愛。懷抱鞠育。兄弟不夭。蚤  
皆孤苦。我來京師。汝侍祖母。季父是依。既長有歸。水陸萬里。從官東西。惟  
汝德性。幽閑今淑。孝事舅姑。睦于姻族。父昔在洛。汝惟兩川。自我不見。我  
二十一年。先喪東來。慰我顏色。汝無間言。以為我戚。東遊吳越。道喪其子。憂  
結于中。維之次死。嗟我兄弟。白首未虧。今汝先我。孰知我悲。惟汝之夫。清  
介特立。將護汝樞。返于鄉邑。今汝薰蕕。旅魂飄揚。告別終天。時此一觴。嗚  
呼哀哉。尚饗。李雙鴈湖某祭姊范夫人文 維嘉定五年歲次壬申六月  
丙子朔二十五日庚子。弟某謹以清酌庶羞之美。致祭于近故恭人

永樂大典卷萬四千零三

益姊之靈曰。嗚呼。人之生也。憂患何殷。曩謫臨川。大姊計開。獨哭珠州。淚  
此莫乾。龍鍾得時。所睦弟兄。歡不盡意。旋合旋分。今平舉杯。祝姐生辰。綠  
竹滿生。不一破顏。隨允俱東。載飭行軒。遠送于野。拭袂銷魂。別未決日。委  
化如煙。嗟我同氣。僅存五人。白髮相依。老益加親。又弱一个。悲胡忍云。惟  
姊淑靈。頎然長身。秦國鍾愛。甚且仁命。之不遂。禍故游臻。扶持范門。亦  
既恩勤。頎也好學。先姊而淪。猶幸遠識。處之無難。獨惟此日。萃焉形神。妻  
勉進藥。以時加餐。何所戚苦。一則弗振。我知姊心。有街不伸。歿不臨床。歛  
不撫棺。遺時一觴。推膺破肝。

妹未晦春某祭劉氏妹文 年月日。兄某位。以酒饌祭于亡妹五十六娘  
之靈。昔妹之亡。兄聲郡綬。病弗及療。歛弗克臨。歸來撫棺。一慟永訣。今茲  
窆旁。已復有期。輒具酒肴。來哭爾墳。兄及老幼。共此一哀。惟爾有靈。尚其  
歆享。嗚呼痛哉。呂祖儉大愚史集祭亡妹三娘文 壬寅季夏。嗚呼。父黨  
之姻。莫親於吾姑之家。而吾姑亡矣。蘭草之會。羽書旁午。然觴酒一行。善  
者在堂。早者在廡。我則日從兒嬉。而忘其為可憂也。黃岡之歸。吾親望荆  
溪之上。而吾見顏色。時雖年少。而亦知其為可樂也。臨安之集。親者皆在。  
吾姑體不康。氣不愉。則固已私憂過計。而無復曩時之趣也。逮夫吾妹奉

其帶於門闌。猶以逮事舅姑為幸也。家為而舅姑沒。歸焉而父母亡。是乃  
人間之至痛。世事之最悲。則又有非烈丈夫之所能堪也。然猶歲時與其  
良人歸省於松楸。而我一二兄弟。亦得時往來以相勞苦。庶幾兩家之情  
義相屬而未替也。我既不衣喪其元兄。而吾妹適從西來。相對悲慟。聊以  
慰夫形影之孤也。自冬徂春。四閱月矣。朝夕視其飲食起居。誠不見有它  
苦也。扁舟西歸。雖在喪絰之中。勉強扶持。送諸竟外。蓋自憂其命之不长  
而後日之難再也。嗚呼哀哉。吾姑亡矣。吾妹以歲年而不克承其宗祀。夫  
天之蒼蒼。山川之茫茫。煙雲風雨。杳霽晦明之不常。而今而後。兩家之情義  
其厚邪。薄邪。其遠至於閭疏邪。其尚可得而久邪。抑我之齒髮日衰。其尚  
能相與綢繆。而如嚙昔邪。念昔先人涕零如雨。一觴之奠。實維茲故。嗚呼  
哀哉。陳嘗卿買安。集祭妹二縣君文。嗚呼。兄弟之愛。如四體之於身。爾  
其死矣。吾何愛其生。先子早世。兄弟孤悽。爾年最幼。尤鍾愛于母兄。棲遲  
窮居。十有餘年。惡衣糲食。同茹艱辛。兄既得仕。爾德脩明。學禮與詩。習以  
業。爾後又十年。爾乃從令事夫。柔嘉琴瑟。錚錚鳴。生雖孔艱。克配賢仁。孰謂  
不避福祉。絲絲聞爾計音。哀不勝情。哭不憑棺。不見容聲。酌酒以文。尚感  
精神。死生永訣。長想無因。嗚呼哀哉。播芳大全集孫仲益祭包氏妹出殯

永樂大典卷萬四千五百

三

祭文 嗚呼哀哉。某政和初。與吳氏妹侍先妣太淑人。將吾妹歸于同縣  
之包氏。大家勝衣冠者數十百指。而夫君喪然獨秀。蔚為宗廟瑚璉之器。  
後四十年。而吳氏病沒於京師。又四年。而太淑人感疾而逝。中更喪亂。死  
生契闊。而包氏尊章亦已下世。獨吾妹克賴其夫。勇冠女婚。持門戶之  
寄。謂當壽考。百年與君子偕老。云何以病而遽。嗚呼哀哉。追數存歿  
系閱一瞬。而三紀。嗟余歸然獨存。子隻影隨。而卧起始結縡。以踐其行。及  
又窆墓而送之。死。鬱萬感。以中集。至滋兩皆其如。洗手足情。所鍾。此身  
歿而後已。魂揚縹緲。以來歸。歆余膳豆之薄。祭。嗚呼哀哉。伏惟尚享。周傳  
士集祭女弟悅師文 西方聖人。明世之說。以親戚為緣。畢以死生為幻  
妄。汝願學焉。而為之徒。棄天屬。得其適於昨主。脫天形。復其真於今。死汝  
既無憾。吾亦莫悲。乃若吾徒。學於中國。明人倫於一性。未嘗不哀也。而亦未  
嘗哀。通晝夜乎。一貫未嘗不死也。而亦未嘗死。故吾哀而不傷。非果也。謂  
汝死而不忘。非幻也。汝既學焉。知其理矣。如或以生為戀。以死為憂。則何所  
見焉。而為之學。何所學焉。而為之徒。

女播芳大全集孫仲益祭女文 維年月日。謹以清酌庶羞。致祭于亡女  
二娘之靈。嗚呼哀哉。與汝為父子三十有一年。不謂衰老業我而先。天子

永樂大典

卷一四〇五三

何事不昇汝壽一夕遇疾急奄不救繫女疾革官於語言託夫與子半辭  
莫宜天降災殄莫謂汝酷人誰不死抱恨就木汝夫館我迨十年餘憂恭  
飯糗共其有無豈謂女亡而加薄厚庶幾久要定此窮陋嗟此二難冰心  
誰憐如見汝面在吾目前歸女教男冀成汝志吾雖老夫猶有兄弟獨念  
汝夫殯仕之秋誰復為汝瞻守一丘先墓之次卜此新宮祖禰相望我祭  
其從季冬之月吉日庚午汝其碩飲以封以樹念汝永歸五內若焚樹之  
慟絕汝聞不聞嗚呼哀哉尚享黃泉直母安康太君祭亡女陳氏十娘  
文汝嫁十年五歲歸家姑璋不可知我憐汝我祖江南三年搖搖元豐  
甲子汝兄運朝道淮沂洛望汝來寧不聞車音乃聞哭聲汝疾何集汝歛  
何服臨絕之情不能我告哀憐至骨哭淚至泉我創如新于今七年乳母  
朱歸婿亦繼室昔所抱兒亦既結髮惟汝面目永隔枯木嗚呼吳天忍此  
荼毒久於客土勤我夢思日月之吉寔宥有期我病在牀不能奮飛萬真  
千里文不及辭哀哉尚享趙孟堅齊文編祭女文 年月日母兄遺幹  
者施椿遠將祭莫告于亡女趙氏五三妹主孺人之靈吾女妹主嘆復應  
否哀哉吾腹誕吾女僅汝及長愛之鍾也生而慧成人而淑歲年而太云  
亡未之信也相望千里病不及視死不及訪殮不及臨痛之甚也報訃兼

永樂大典卷萬四千五百三

元

司茲南舉桂又莫親往遣皂代祭哀抑至也家釀清冽汝飲斯便以醇生  
篇汝款饗否吾詞悲惻汝知聞否哀哉汝幼而長甘苦吾同歷叙于茲汝  
其聽取汝未及笄儼已成人承順色難了無齟齬吾家孺素攻苦淡泊習  
以安之組紉縫紉教誨通解待人接物婉委春容人皆汝期壽考成立自  
議姻盟極慕閨闈不量齊大竭刀遺嫁汝兄三年奔波于外一縷一物親  
辨親營必當汝心不計難易汝所知也從人以來十有四載良人諧汝姑  
婢恤汝妯娌友汝扶靈姻盟咸愛敬汝上下內外腰委皂隸無間言於汝  
表汝為人可有尚者聞內之事於汝屬也惟母及兄亦汝期也汝自堅立  
克負荷也天何慘諸界汝淑質不長汝年斯為中矣又無嗣息璧碎雲飛  
空中聲戚聞者悵悵何況所親尙况骨肉若因知覺木石其心汝計之來  
母之與兄適皆在病哭枯無淚絕絕無聲逾今兩旬行住坐卧唯啼唯泣  
思汝面目想汝平生一見無門冥冥夢覓亦莫再逢苦痛苦痛何可復說  
汝無別病惟苦脚氣頻年發動玩視為常極道宿疾豈謂喪生去冬極寒  
書未脫病固知增劇滿望春和可從藥喜早知遽爾作急救療豈至斯耶  
汝寂靜事多慮多思親睦姻聯彈力遠迎惟求禮貌心之所詣力有不加  
營耗精神病亦由此去年此時况將之官母病在道旅泊煙雨問藥醫師

汝翁汝大深相存卹汝曰繼夜衣不解帶調侍藥餌備極孝心况在少年不惜支體秋親病恙如古孝慈使為男夫忠孝應至及吾病道楊帆啓行送吾城西雲壑塔院開淚告別不念舍吾吾在華顛每虞風燭未經年歲翻哭汝喪哀莫甚此汝既云往所可無憾惟在送終聞自瞑目厭于有壽拘忌過多屏從別舍為人子婦豈是孤鬼欲違蕭寺九非禮或汝之靈與冥無之中應念何咎生死遽殊昨為同室之人今為舍外之鬼母兄致書曉汝尊者即安汝根姑停柩兩徐議歸藏必有故處汝其安止毋恐母驚以順命分英氣不消再生必過悲隨念到萬萬千十哭已無腸且此收拾過汝每七薦供於斯百日暮年及至擯葬須再祭闋哀哉哀哉吾女吾女止於是耶止於是也高天高天訊問不應

永樂大典卷之一萬四千五十三

永樂大典卷一萬四千五十三

三